

Na osnovu člana 21., 30., 40. i 41. Statuta Općine Velika Kladuša-Prečišćeni tekst («Sl.glasnik Općine Velika Kladuša», broj: 1/2001) i člana 94. i 132. Poslovnika Općinskog vijeća Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001), a nakon sagledavanja zakonskih aspekata ilegalnog i nezakonitog postavljanja obilježja u Haremu gradske džamije, Općinsko vijeće Općine Velika Kladuša na Vanrednoj sjednici održanoj dana, 18.04.2002.godine, usvojilo je s l i j e d e ć e

ZAKLJUČKE

I

1. Općinsko vijeće ne podržava nezakonito postupanje u izgradnji i podizanju spomen obilježja u Haremu džamije Velika Kladuša u organizaciji Udruženja porodica šehida i poginulih boraca, kao i način na koji je spomenik postavljen, zbog čega naređuje Službi prostornog uređenja da prema počiniocima ove i drugih bespravnih gradnji, poduzme sve zakonom propisane mjere od rješenja o uklanjanju do podnošenja krivičnih prijava.
2. Traži se od organa gonjenja i sudskih organa Općine i Kantona, da pismenom informacijom obavijeste ovo Vijeće o poduzetim radnjama na osnovu pokrenutih prijava od strane Općine Velika Kladuša o bespravnim radnjama u haremu Džamije Velika Kladuša.
3. Obzirom da je zamjenik Općinskog načelnika Meho Čaušević učestvovao u otvaranju, organizaciji i zvaničnom obilježavanju nezakonito izgrađenog spomen obilježja, predlaže se, da Općinsko vijeće saglasno članu 21. 30. i 40. Statuta Općine Velika Kladuša donese Odluku o smjenjivanju Čaušević Mehe sa funkcije zamjenika Općinskog načelnika.

II

Ovaj Zaključak stupa na snagu po objavljivanju u «Službenom glasniku Općine Velika Kladuša».

**OPĆINA VELIKA KLADUŠA
OPĆINSKO VIJEĆE**

**Broj: 01-05-44/2002.
Datum: 08.05.2002.godine**

VELIKA KLADUŠA

**PREDSJEDAVALAČI
OPĆINSKOG VIJEĆA
Husein Hadžić,ing.s.r.**